



**Broj predmeta:** 02-000049/20  
**Broj akta:** 01.1-1141SM-240/20  
**Datum,** 13.5.2020. godine  
**Mjesto,** Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 13. 5. 2020. godine **i z d a j e**

## **N A R E D B U**

### **Član 1.**

Licima koja ulaze u BiH na područje Brčko distrikta BiH iz Republike Hrvatske sa Graničnog prelaza Gunja, a koja imaju zaposlenje u javnim ili privatnim pravnim licima odnosno posjeduju vlastite poslovne subjekte u Brčko distriktu BiH, omogućit će se obavljanje rada pod sljedećim uslovima:

- a) da nadležnom inspeksijskom organu nakon ulaska u BiH priloži negativan zdravstveni nalaz na COVID-19, ne stariji od 72 sata
- b) da dostavi dokaz o zaposlenju u Brčko distriktu BiH odnosno dokaz o posjedovanju vlastitog poslovnog subjekta
- c) da se najavi dolazak Inspektoratu Brčko distrikta BiH kako bi lice s ciljem onemogućavanja boravka na javnim mjestima u pratnji Policije Brčko distrikta BiH bilo ispraćeno do mjesta rada i od mjesta rada do graničnog prelaza
- d) da se prilikom boravka na radu pridržava svih propisanih epidemioloških mjera, uz nošenje zaštitne opreme (maska i rukavice) i pridržavanja propisane fizičke distance tokom radnog angažmana.

## Član 2.

U slučaju da lice iz člana 1. ove naredbe ne posjeduje zdravstveni nalaz iz tačke a) člana 1. ove naredbe, može priložiti dokument izdat od strane nadležne zdravstvene ustanove kojom se potvrđuje odsustvo simptoma na COVID-19, ali u tom slučaju Inspektorat Brčko distrikta BiH izdaje rješenje o samoizolaciji na radnom mjestu koje podrazumijeva zaseban prostor za rad i zabranu napuštanja takve prostorije za vrijeme rada.

## Član 3.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

### DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Svim odjeljenjima Vlade (12x)
5. Sekretarijatu Vlade (3x)
6. Odjeljenju za zdravstvo i ostale usluge  
– Pododjeljenju za javno zdravstvo
7. Uredu za upravljanje javnom imovinom Brčko distrikta BiH
8. Uredu gradonačelnika / Inspektorat
9. Policiji Brčko distrikta BiH
10. Članovima Štaba (34x)
11. Ministarstvu sigurnosti BiH, terenski centar Brčko  
- Služba za rad sa strancima, Trg mladih br. 8
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Crvenom krstu/križu Brčko distrikta BiH
15. Javnim preduzećima, fondovima i Zavodu (7x)
16. „Službenom glasniku Brčko distrikta BiH“
17. Arhivi.

**GRADONAČELNIK**

Mr. sc. Siniša Milić